

榕城紀纂一

榕城紀纂

目錄

封爵

建築沿革

疆域

城池

山川

津梁

古蹟

公署

85947-85948

第宅園亭

風俗

物產

碑碣

藝文

榕城紀纂卷上

抄竹栢山房
藏原稿本

封爵

閩林春溥編

漢

閩越王騶無諸及越東海王搖者皆勾踐之後也姓騶氏秦已并天下皆廢為君長及諸侯畔秦無諸與搖從諸侯滅秦佐漢擊楚有功漢五年無諸復立為閩越王都東冶搖亦立為東海王都東甌無諸卒郢繼立

閩越王郢建元六年擊南越擅發兵其弟餘善殺之乃立丑以奉閩越先祭祀越繇王丑無諸孫別封

繇君建元六年郢誅乃立爲王

東越王餘善餘善已殺郢威行於國國民多屬自立爲王繇王不能制上因立

餘善爲東越王與繇王并處後反繇王居股殺之降閩越國除

越繇王居股以東故越繇王斬善餘降元封元年改封東城侯萬戶封二十年延和三年坐衛天子舉兵謀反要斬

越衍侯吳陽佐居股斬餘善有功元年封外石侯千戶封九年薨太初四年侯首嗣十四年後二年坐

詛咒上要斬

建成侯教興居股斬餘善有功元封元年封開陵侯
二千戶後坐舍衛太子所私幸女子又詛咒上要
斬

三國吳

侯官侯孫亮永安元年孫綝廢吳主亮爲會稽王迎
立瑯琊王休三年黜會稽王亮爲侯官侯亮自殺
南朝宋

晉安郡公柳元景字孝仁河東解人也孝建元年封
三年改封巴東郡後謀廢廢帝立義恭發覺受戮

晉安王劉子勛字孝德孝武帝第三子也大明四年封食邑二千戶秦始皇二年誅

晉安縣子周盤龍北蘭陵人也膽氣過人尤便弓馬秦始皇二年封食邑四百戶元徽二年改封沌陽侯晉平王休祐文帝第十三子也初封山陽王秦始皇四年改封六年徵留京邑七年帝遣人拉殺之追免爲庶人

原豐縣侯宣彥休祐子秦始皇七年封尋廢

齊

晉安王蕭子懋字雲昌武帝第七子也初封江陵公

建元四年進封隆興元年鎮潯陽據州參軍于琳之殺之

晉安郡王寶義字智勇明帝長子也建武元年封梁受禪封巴陵郡王卒謚曰隱

梁

晉安王蕭綱字世續小字亦通武帝第三子昭明太子母弟也天監五年封太寶元年入即位是爲簡

文帝

晉安郡王方智字慧相小字法真元帝第九子也承聖元年封紹泰元年自潯陽入即位是爲敬帝

陳

侯官縣侯陳寶應晉安侯官人也紹泰二年封尋反

執斬建康市

晉安王陳伯恭字肅之文帝第六子也天嘉六年封

唐

福王李綰順宗第十五子也貞元二十一年封

五代

瑯琊王王審知字信通光州固始人也初與兄潮從

刺史王緒來閩緒因見殺潮三兄弟以列校爲衆
所推乃植劔卜帥審知拜劔躍起讓兄潮已副之

審知爲人狀貌雄偉隆準方口險約禮士開四門
學校常乘白馬軍中號白馬三郎潮卒唐拜審知
節度使後封瑯琊王唐亡梁太祖加拜審知中書
令封閩王或勸竊據答曰吾寧爲開門節度使不
作閉門天子後唐同光三年卒謚忠懿

閩王延翰字子逸審知長子也爲人長大美皙如玉
同光四年唐拜延翰節度使後建國稱王內宮不
治天成元年審知養子延稟與延鈞襲福州殺之
遂立延鈞

閩王鏐初名延鈞延稟立之天成三年封四年僭位

更名國號閩改元龍啓好鬼神道家之說聽守元
左道之言陳金鳳其所嬖也歸守明其所倖也清
泰二年繼鵬與李倣同弑之

閩王繼鵬鑄長子旣立更名昶改元通文晉天福二
年封閩國王立父婢春鶯爲淑妃後立以爲皇后
亦好巫拜道士譚紫霄爲正一先生又拜陳守元
爲天師妖人林興又以巫見幸天福四年都將連
重遇作亂昶出奔延義命子繼業追執縊之

閩王延義審知少子也連重遇迎立之更名曦天福
五年封開運元年出遊連重遇遣人拉殺之立朱

文進既又殺之林仁翰殺重遇李仁達立僧卓儼
明復殺之稱藩於南唐畫江為界閩國遂亡

宗

福王趙興為理宗弟咸淳三年由榮王進封

國朝

靖南王耿繼茂順治十七年移閩康熙十三年其子

精忠謀反十五年伏誅

建置沿革

禹貢揚州之域天文牛女分野周為七閩地

職方氏註閩子

孫分為七種故曰七閩閩者蠻也

春秋以後爲越地越王勾踐六傳至無疆滅於楚越以此散諸族子爭立或爲王或爲君濱於江南海上服朝於楚又七年至無諸都冶厥後建置不一沿革紛紛諸書所載可考而知若閩縣則附郭府治東南也漢時置冶縣屬會稽郡後漢時廢建安初置侯官縣吳屬建安郡晉太康三年析置原豐縣爲晉安郡治宋齊屬晉安郡梁曰東侯官縣仍爲郡治隋復改縣曰原豐開皇十二年始稱閩縣自是州郡皆治於此五代唐長興四年閩王氏改爲長樂縣清泰二年復舊晉天福六年又改長

樂明年復舊宋太平興國六年析閩縣地九鄉增
置懷安縣元明皆為閩縣

國朝因之若侯官縣則附郭府治西南也漢時治縣
地建安初置侯官縣晉屬晉安郡宋為郡治齊因
之梁陳間省入東侯官縣隋為閩縣地唐武德六
年析閩更置八年省長安二年復置貞元五年觀
察使鄭叔則奏移縣治入城元和三年復省五年
復置五代唐長興四年王氏改為閩興清泰二年
復舊宋元迄明皆為侯官萬歷八年廢懷安縣地
并入焉

國朝因之

疆域

福州城中有九山諺云三山藏

羅山丁戌山閩山

三山現

烏石

九仙王

三山尋不見

芝山靈山鍾山

閩都記云三峯峙於域

中

烏石九仙越王

二絕標於戶外

左鼓右旗閩南二絕

甘果方

凡案於南唐賜名甘果山

蓮花現瑞

北蓮花峯為會城斧辰

襟江帶湖東

南並海二潮吞吐百河灌溢山川靈秀所都逢兵

不亂逢饑不荒沙合

南路通

口海濱鄒魯董應舉

省城山川議云省城自龍腰過脉建起為樣樓山

再建為屏山又布政司山中藏三山為孕育地乃

自上分宗西行一枝轉結烏石橫度平遠以收其
靈秀此城內山之定局也龍腰最微最貴此一城
之命脉不可不保護妄鑿盜埋法誠宜禁若論省
城水法龍腰東北諸山之水滙於溪送入湯門關
龍腰西北諸山之水滙於湖送入北水關此二送
龍水也最妙洪臺二江之水挾潮繞入西關環注
而東而海潮又自水部門直入環注城中與送龍
水會進以鍾其美退以去其惡最為吉利從來有
處有出無入之水虞其漏泄也

劉蕡傳海門潮汐
舊迂迴東山下為

三十六灣折入河口水部門海寇內窺者不得揚
帆至內港宏治間鎮守鄧大監感番舶厚利上王

地方鑿新港徑趨大江舊河淤塞河口品東民日敝
黃上疏陳新港六害乞塞之以甦地方并海寇詔
下鎮巡興
工填塞

城池

冶城閩越王故城今府治北二百五步三山紀畧云
冶山者古冶鑄之地閩越王都於其前麓

明王恭冶城歌

七閩山水多奇勝秦漢封疆古來盛無諸建國何
英雄赤土分茅於此中荒城野水行人度細柳青
榕舊宮樹浮世空歌逐鹿時斷磯不辨屠龍處忽
從圖畫見三山正在無諸故壘間麗譙宮署人烟